


تاریخ وادستان

۱۳۳۶ هـ



بىكون بىلنير قىمتى مجموعه مك اما
پك چوق آرا لير اورته ده مجموعه بولنيز

ايتدك شرف خدمت اجدادى وراموش
آثارنه اسلافرك رغبت اولنيز

سلاطین معظمه عثمانیه نك طغرای غرالی و تملیک نامه لر قسمنك

طغرای غرالی یاننده خطوط شاهانه لری

دولت عثمانیه ده (طغرا) اصولی احداثك خداوندگار شهید سلطان مراد خان اول حضرت تلی زماننده وقوعه کلد یکنی بعض تاریخلر من قید ایدیورلر . لکن خداوندکار غازی و مخدومی ییلدیرم بایزید خان حضرت اتیله چلبی سلطان محمد خان حضرت تلی نك فرمانلر و براتلر اوستنده طغرای شاهانه لری هنوز منظور حقیرانهم اولما مشدر .

ایلك کوردیکم (طغرا) سلطان مراد ثانی حضرت تلی نك بدره . اوندن صکره فاتح سلطان محمد خان ثانی حضرت تلیله یاوز سلطان سلیم خان حضرت تلی نك بشقه عموم پادشاهلر منك طغرای منظور من اولمش و بونلرک اکثریسی ملت کتبخانه سنده موجود بولم مشدر . کوریلور که بشیوز سندن متجاوز بر زماندیری (طغرا) لر منك شکل اصلیبی دکشامش ، لکن تنظیم و اصلاحه اوغرا مشدر . قانونی سلطان سلیمانك کتبخانه مزده موجود اولان طغرا لر نك بر عددی بر کتاب ظهرنده اولوب یاننده ابرالسعود افندی حضرت تلی نك خطی وارد . قانونی سلطان سلیمان خان حضرت تلی نك ظهرنده طغرای شاهانه لری محرر اولان بعض کتابلرده کتبخانه عمومیده موجوددر .

بوندن استفهام اولنیور که بزم شدی بعض ذواته اهدا ایتدیکمز کتابلر ظهرینه خط و امضامزی اشارت ایتدیکمز کی پادشاهان عظام عثمانیه ده طغرای شاهانه لری وضع ایدیورلر مش . لکن قانونی سلطان سلیمان حضرت تلی نك بشقه پادشاهك طغراسنی حاوی کتاب هنوز مشهودم اولدی .

عثمانی پادشاهلر نك اول بوشکلده طغرا کورلما مش ایه ده حکومتی سلطان مراد ثانی ایله فاتح دورینه مصادف اولان قره مان اوغلی ابراهیم بکک عین شکلده بر طغراسی کورل مشدر .

شهبزاده شهنشاه بن سلطان بایزید خان ثانی حضرت تلی نك بعض

اوراق اوزرنده ایکی طغراسی کورلسنه باقیرسه شهزادکان عظامک ده
 بعض محرراته وضع طغرایه مأذون اولدقلری آکلاشیلیور . شکلاً
 طغرای پادشاهیدن براز فرقلی اولمق اوزره ۹۴۸ سنه سندن اعتبارا
 ولایت حاله افراغ اولسان بحارستان والیرینک وضع طغرایه بحاز
 اولدقلری، بعض محرراتلری اوستنده کوریلان طغرالرندن مستبان اولیور .
 اسکی تملیک براتلرنده پادشاهان عظامک طغرالر یاننده خط
 شاهانه لری ده موجوددر . سلطان مراد ثانی دن اعتباراً امر پادشاهک طغرالرینی
 و موجود اولان بعض تملیک نامه لرده خط شاهانه لرینک فوطوغرافلرینی
 عیناً درج ونشر ایتمک ایسته ردم . لکن شمدیلک مجموعه مزک قدرتی
 مساعد اولمدیغندن یالکیز طغرالرندن بحث ایتمک و تملیک نامه لریک موشح
 اولدینی خط هایونلرینه اشارت ایدمک اوزره آلتنجی پادشاه عثمانیان ، سلطان
 مراد ثانی دن اعتباراً امر پادشاه ذیشانک منظور و موجود اولان طغراسی حقنده
 بر مصراع انشاد وتبرکاً بومحله درج ایله ترین ستون ایتمکی مناسب کوردم . [۱]

- ۶ بودر سلطان مراد ثانی نک طغرای غراسی
- ۷ (حضرت فاتمک طغراسی هنوز کوردم)
- ۸ ایکنجی بایزید خان ولی نک خط و طغراسی
- ۹ { سلطان سلیم خان حضرت تلیزینک طغراسی کاپنده ملت کتبخانه سنده نفیس برکتابک
 ایکی محنده مهر هایونی واردر . لکن فرمان بالا سنده هنوز طغرالرینی کوردم .
- ۱۰ سلیمان خان قانونی کوزل یازمش بو طغرایی
- ۱۱ ایکنجی حضرت سلطان سلیمک ایشته طغراسی
- ۱۲ حضرت سلطان مراد ثالثک طغراسیدر
- ۱۳ بو طغرا زیب فرمان محمد خان ثالثدر
- ۱۴ بو طغرا یاننه خط یازدی سلطان احمد اول
- ۱۵ برنجی مصطفی خانک بودر طغرای ذی شانی
- ۱۶ حضرت عثمان ثانی نک کوزل طغراسیدر
- ۱۷ خط و طغراسی کوزلدر خان مراد رابعک

[۱] زمان مساعد کلوب عیناً طغرای غرای شاهانه و خط جلیل ملوکانه لرینی
 نشر ایدرایسم انشاء الله هر مصراعه دهابرر مصراع علاوه ایله بیت و یا قطعه حاله
 افراغ و درج ایلرم .

- ۱۸ کوزل طغراسی وار سلطان ابراهیم ذی شانك
- ۱۹ محمد خان رابع یازدی طغرا اوسته خطی
- ۲۰ سلیمان خان ثانی نك بودر طغرای زرینی
- ۲۱ ایکنجی حضرت خان احمدك طغرای رخشانی
- ۲۲ ایکنجی مصطفی خانك بودر طغرای فرمانی
- ۲۳ اوچنجی حضرت سلطان احمد یازدی طغرای
- ۲۴ محمود خان اولك طغرا یاننده خطیدر
- ۲۵ اوچنجی حضرت عثمان خانك خط و طغراسی
- ۲۶ اوچنجی مصطفی خانك بودر طغرای تابانی
- ۲۷ حضرت سلطان حمید اولك طغراسیدر
- ۲۸ اوچنجی حضرت سلطان سلیمك خط و طغراسی
- ۲۹ بودر طغرای زیب افزاسی رابع مصطفی خانك
- ۳۰ ایکنجی حضرت محمود خانك عالی طغراسی
- ۳۱ حضرت سلطان مجیدك خط ایله طغراسیدر
- ۳۲ حضرت سلطان عزیزك محتشم طغراسیدر
- ۳۳ حضرت سلطان مراد خامسك طغراسیدر
- ۳۴ حضرت سلطان حمیدك دلکشا طغراسیدر
- ۳۵ بو طغرا زیب فرمان محمد خان خامسدر
- ۳۶ بو طغرای وحیدالدین محمد خان سادسدر

[ذیل]

طغرا لر حقنده بیان معلومات ایده جك ارباب وقوف ایچون مجموعه هنرك صحیفه لری کشاده در .



محرم «پیام صباح» غزیه سنك ۱۱۰۳۰ نومرو و ۲ اغستوس ۱۳۳۶ تاریخلی نسخه سنك «پیام ایام» ستوننده شوعباره محرردر :

« دیار بکرلی سعید پاشا که نظیفك پدری ایدی » بر کره دهاسویلدمدی . ولی خصلت برپیر ایدی . بزهنوز برر « طفل ابجد خوان » دکلسه کده همان علماً عرفاناً اودرجه تهی دست ایکن او « مرآت العبر » عنوانیله احمد مدحتك « کائنات » ی کبی جهانشمول بر تاریخ نشر ایلردی .